

Mr Mirza Bakšić, dipl.inž.*

IZVOD IZ RASPRAVA

U diskusiji uzelo je učešća više učesnika susreta tako je:

- dr Njegoslav Vukotić govorio o konceptu i potrebi otvaranja trećeg stupnja na Gradjevinskom fakultetu - Geodetski odsjek, sa studijem iz oblasti komasacija. U diskusiji je iznio i neko iskustvo razvijenih zemalja na uređenju prostora, i s tim u vezi komasacijama.

- Grubišić Boško: mišljenja je da se geodetska služba ne može organizovati jedinstveno na nivou Republike, pa bi u tom smislu trebalo sačiniti jednu analizu. Privatnu praksu treba dozvoliti, a posebno urediti odnose na relaciji geodetski privrednik - organ uprave - stranka. Podržava uključivanje geometara u rad komisija za izlaganje.

- Petričević Mile: ukazao je na određene probleme održavanja katastra nekretnina, a kod izrade katastra zgrada mišljenja je da su tlocrti suvišni. Zalaže se za razmjenu iskustava i poziva sve one koji žele da se upoznaju sa načinom uspostave katastra nekretnina, po programu koji je opštinska uprava uradila.

- Arnautović Kemal: izložio je koncept uspostave katastra komunalnih uređaja za grad Banja Luku.

- Sadović Ismet: ukazao je na sadašnje probleme održavanja katastra zemljišta i predložio neka rješenja o organizaciji geodetske službe, posebno "civilne" prakse (izlaganje štampano).

- prof. Ismet Aganović: govorio je o proslavi 100-te godišnjice rada Tehničke škole u Sarajevu i propustima u Monografiji. Ispuštene su prve generacije geometara, mnoga su imena pogrešno štampana, profesori nisu svi predstavljeni, pa predlaže da se otklone nedostaci i da se tako ispravljena Monografija štampa.

- Mustafa Begić: pročitao je prijedlog Gradjevinskog fakulteta - Geodetski odsjek koji se odnosi na rukovodioce geodetskih službi. Mišljenja su da se za rukovodioce geodetskih službi imenuju isključivo diplomirani geodetski inženjeri.

* Geodetski zavod BiH

- Krzyk Tomislav: zalaže se za izradu posebnih karata namijenjenih statističkim istraživanjima. Bonitetna klasa bi trebala da bude osnov za utvrđivanje katastarskog prihoda i time i oporezivanja.

- Ljubo Jukić: privatnu praksu podržava, ali samo za one koji će se profesionalno tim poslom baviti. Misli da odmah treba uređivati odnos privatnog geodete i organa uprave.

- Gaco Anđelko: dao je presjek zakonskih rješenja koja se odnose na lični rad i rad sredstvima u svojini građana, sa prikazom prakse u drugim republikama. U svom izlaganju ne podržava privatnu praksu, bar za izvjesno vrijeme.

- Camić Izet: predložio je izmjene pojedinih odredaba Zakona o premjeru i katastru nekretnina (materijal štampan).

- Davidović Đorđe: predlaže da se u cjelosti izlaganje Sadović Ismeta uključi u zaključke. Mišljenja je da novi zakon treba više prostora i na detaljniji način obradi tehničku stranu posla.

- Demšar Božo (direktor Republičke geodetske uprave Slovenije): iznio je razmišljanje u Sloveniji, koja idu za tim da svi radovi koji nisu upravni radi civilna služba i geodetske radne organizacije. Radove bi mogao izvoditi svaki onaj ko je sposoban i osposobljen za ovu vrstu djelatnosti.

- Ronđić Edib: izložio je koncept automatske obrade podataka, projektovanja i zaštite podataka na računarima. (Materijal štampan kao koreferat).